

RESOLUCIÓN

Unha vez que se examinou o expediente que se tramitou para a contratación da execución da obra denominada "Aceras, alumbrado y pluviales r/ Ombre", a adxudicar mediante procedemento aberto con multiplicidade de criterios de valoración.

ANTECEDENTES

1. Con data 26 de marzo de 2010, mediante a resolución nº659, da concelleira delegada de Economía, Facenda, Réxime Interior e Seguridade, apróbase o expediente de contratación mediante procedemento aberto con multiplicidade de criterios de valoración da obra denominada "Aceras, alumbrado y pluviales r/ Ombre".

2. Para tal efecto publícanse anuncios no diario La Voz de Galicia en data 4 de abril, no BOP nº69 de data 15 de abril e no perfil de contratante nos que se solicitan ofertas de empresas capacitadas para a súa realización.

3. A Mesa xeral de Contratación, en sesión celebrada o día 14 de xuño de 2010, analiza a documentación administrativa, e acorda admitir as ofertas que corresponden ás empresas:

Empresa
ALDASA S.L.U.
ANCHELERGUES
ATESVI, S.L.
AUXILIAR Y GENERAL DE SERVICIOS, S.L.
CANALIZACIONES, ESTRUCTURAS Y OBRAS, S.L. (CEO)
CANARGA, S.L.
CANDAL EXCAVACIONES Y OBRAS S.L.
COBRA INSTALACIONES Y SERVICIOS, S.A.
CONSTRUCCIONES CANOSA, S.L.
CONSTRUCCIONES GONZALEZ Y GONZALEZ
CONSTRUCCIONES J. CARRO, S.A.
CONSTRUCCIONES Y OBRAS JOSE ANTONIO, S.L.
CPS
EDUARDO BOAN ALVAREZ
ELECNOR, S.A.
EXCAVACIONES AMENEDO, S.L.
FERORSA
HIDROSCIVIL
JESUS MARTINEZ ALVAREZ CONSTRUCCIONES, S.A.
MANUEL RODRIGUEZ LEMA, S.L.
MARCO OBRAS Y PROYECTOS DE AROSA S.L.
PAN Y DIAZ, S.L.
TERRAUGA, PROYECTOS Y OBRAS, S.L.
UTE FERGO GALICIA, S.A.-PROYECTA, S.L.

VARELA VILLAMOR, S.L.
XESTION AMBIENTAL DE CONTRATAS, S.L.

A continuación procédese á apertura das ofertas técnicas que se presentaron, acordando remitilas ao Comité de Expertos que deberá emitir un informe técnico debidamente motivado respecto dos factores de adxudicación, agás os criterios cuantificabeis de xeito automático (oferta económica e proposta de redución de prazos).

4. Unha que se viu o informe que se emitiu o 12 de agosto de 2010 polo Comité de Expertos designado polo órgano de contratación, a Mesa xeral de Contratación, en sesión de 13 de agosto, procede á apertura das ofertas económicas e de redución de prazos.

Segundo a cláusula 15.1 do PCAP exclúense as ofertas que non cheguen aos 16 puntos de valoración dos criterios técnicos (CONSTRUCCIONES CANOSA, SL, CONSTRUCCIONES Y OBRAS JOSE ANTONIO, SL e EDUARDO BOAN ALVAREZ).

Despois de analizar as ofertas a Mesa de Contratación acorda outorgar as seguintes puntuacións:

Licitador	puntuación fase I	puntuación fase II	puntuación total
UTE FERGO - PROYECTA	44,07	40	84,07
CPS	27,86	38,22	66,08
JESUS MARTINEZ	30,94	32,26	63,2
VARELA VILLAMOR	37,96	24,49	62,45
AUXILIAR Y GENERAL DE SERVICIOS	22,73	37,48	60,21
PAN Y DIAZ SL	27,71	31,45	59,16
HIDROSCIVIL	28,3	30,07	58,37
TERRAUGA	22,65	33,96	56,61
CANARGA	35,86	20,26	56,12
FERORSA	26,88	28,83	55,71
CONSTRUCCIONES GONZALEZ Y GONZALEZ	18,23	36,23	54,46
EXCAVACIONES AMENEDO SL	19,07	33,75	52,82
MARCO	27,73	22,72	50,45
CEO	15,79	33,13	48,92
COBRA	23,44	24,72	48,16
XESTION AMBIENTAL	20,09	27,57	47,66
MANUEL RODRIGUEZ LEMA	17,52	29,56	47,08
ALDASA	25,46	20,1	45,56
J CARRO	25,4	18,04	43,44
ANCHELERGUES	17,38	25,65	43,03
CANDAL EXCAVACIONES Y OBRAS	16,75	23,69	40,44

ELECNOR	18,54	21,54	40,08
ATESVI SL	18,75	15,02	33,77

A oferta que obtén unha maior valoración é a presentada pola empresa UTE FERGO GALICIA SA- PROYECTA SL. Non obstante, ponse de manifesto que a súa oferta está incurso en presunción de conter valores desproporcionados, tal e como son definidos pola cláusula 15.2.3.1 PCAP, ao ser o prezo ofertado inferior en máis de 10 unidades porcentuais á media aritmética das ofertas presentadas. Por elo, de conformidade có disposto no artigo 136.3 LCSP, concédeselle un prazo de 5 días a fin de que xustifique a súa oferta.

O 20 de agosto a empresa presenta informe de xustificación do prezo ofertado (nº rexistro de entrada 7551). O 23 de agosto o xefe de servizo do Area do Medio, Servizos e Obras emite un informe no que conclúe que analizada a documentación presentada, a oferta pode ser cumprida.

De conformidade co disposto no apartado 4 do artigo 136 LCSP, a Mesa de Contratación considerando a xustificación efectuada polo licitador e o informe técnico emitido, estima que a oferta máis vantaxosas é a presentada pola empresa UTE FERGO GALICIA SA- PROYECTA S, pode ser cumprida a satisfacción da Administración.

5.- En data 30 de agosto de 2010 polo Xefe de servizo de persoal e organización formulouse proposta de adxudicación provisional do contrato.

6.- En data 2 de setembro de 2010 a Secretaría Xeral do Concello emite nota informativa de Secretaría 51/2010 na que en atención as consideracións que nela se conteñen informa desfavorablemente a adxudicación do contrato.

CONSIDERACIÓNS XURÍDICAS

1. O artigo 144 da Lei 30/2007, pola que se aproba a Lei de contratos do sector público (en adiante, LCSP), establece que no procedemento aberto con multiplicidade de criterios de valoración, a adxudicación recaerá no licitador xustificadamente elixido polo órgano de contratación, á vista da proposta da Mesa de Contratación, unha vez que se ponderen os criterios de selección que establece o PCAP.

2. O artigo 135 LCSP establece que o órgano de Contratación acordará a adxudicación provisional en resolución motivada.

3.- Respecto ao importe de adxudicación, o artigo 79 da Lei 26/2009, de Orzamentos Xerais do Estado, modifica dende o 1 de xullo de 2010 o apartado un do artigo 91 da Lei 37/1992, do imposto sobre o valor engadido, determinando que se esixirá ao tipo do 18 por cento. Por tanto, aínda que o expediente de contratación foi tramitado cun IVE distinto, ao realizarse a adxudicación con posterioridade ao 1 de xullo de 2010, o importe de adxudicación estará constituído polo prezo ofertado máis o 18% en concepto de IVE.

Tendo e conta o exposto, e de conformidade coa proposta do Xefe de servizos e persoal e organización de data 30 de agosto de 2010.

RESOLVO:

PRIMEIRO.- Declarar a validez do acto celebrado

SEGUNDO.- Adjudicar de forma provisional a obra "Aceras, alumbrado y pluviales r/ Ombre" á empresa UTE FERGO GALICIA SA- PROYECTA SL, por ser a que presenta unha mellor oferta considerando os criterios de adjudicación que se establecen, fixando o prezo en 156.246,47 € IVE incluído (presuposto base: 132.412,26 mais 18% IVE: 23.834,21€) , e o prazo de execución en 30 días naturais.

SEGUNDO.- Requirir ao adjudicatario provisional para que, durante o prazo de 15 días hábiles contados desde o seguinte a aquel en que a adjudicación provisional se publique no perfil de contratante do órgano de contratación, presente a seguinte documentación: :

a) Documentación xustificativa de estar ao corrente no cumprimento das súas obrigas tributarias e coa Seguridade Social. Ambas as circunstancias poderán tamén acreditarse mediante o achegamento do certificado expedido polo Rexistro de Licitadores que acredite os anteriores extremos.

b) Xustificante de estar dado de alta no Imposto sobre Actividades Económicas e ao corrente no pagamento do mesmo, achegando para o efecto copia da carta de pagamento do último exercicio, á que se acompañará unha declaración responsable de non estar dado de baixa na matrícula do citado imposto. No caso de estar exento deste imposto presentarán declaración xustificativa ao respecto.

c) Documento acreditativo de ter constituído a garantía definitiva por importe do 5% do importe de adjudicación, excluído o Imposto sobre o Valor Engadido, por calquera dos medios a que se refire o art. 84 da LCSP.

d) Escritura de formalización da Unión Temporal de Empresarios. No caso de que o adjudicatario provisional sexa unha Unión Temporal de Empresarios, deberá achegar a escritura pública de formalización da mesma, que debe ter unha duración coincidente coa do contrato ata a súa extinción.

TERCEIRO.- Comunicar ao adjudicatario provisional que, en cumprimento da cláusula 28 do prego de cláusulas administrativas particulares, antes da formalización do contrato deberá aboar en concepto de anuncios de licitación as seguintes cantidades:

La Voz de Galicia, 04/04/2010 : 830,56€

CUARTO.- Comunicar ao adjudicatario provisional que, unha vez que transcorra o prazo que se establece no parágrafo segundo, se non se procedese á adjudicación definitiva do contrato a quen resultara adjudicataria provisional por non cumprir as condicións necesarias para isto, a Corporación procederá a efectuar unha nova adjudicación provisional ás interesadas seguintes a aquela, por orde de clasificación das súas ofertas na valoración, sempre que isto fose posible.

QUINTO.- De conformidade co disposto polo artigo 135.3 LCSP, notificar a presente resolución aos licitadores e publicar a adxudicación provisional no perfil de contratante do órgano de contratación, establecendo o prazo de cinco días hábiles a partir de tal publicación para facilitar información aos licitadores interesados sobre os motivos de rexeitamento da súa proposta e das características da proposta do adxudicatario que foron determinantes na adxudicación ao seu favor.

Contra o presente acto administrativo de trámite, cualificado en canto decide directa ou indirectamente o fondo do asunto, poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso-Administrativo da Coruña que corresponda, no prazo de dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxese o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 2 de setembro de 2010

A concelleira delegada de economía,
facenda, réxime interior e seguridade

Asdo./ Alicia Ferreiro Varela
(Resolución nº 1210/07 de data 2 de xullo
de 2007; BOP nº176 , de 1/8/2007)

Dou fe
A Secretaria xeral

Asdo: Pilar María Pastor Novo